

探尚書大全文集卷第五

頌贊題跋

題趙彥中墓誌後

葛魯卿時制以文評議論伏一世嘗有里中大富人輦重幣詣公請銘其翁而不荅士論疑之余觀趙君一誌大書深刻傳誦一時知其無媿辭矣

跋董待制畫

王公貴人以山林之樂不可得而兼始厲畫工作蒼崖翠竹古松流水於高堂素壁曲屏團扇之上以寄耳目之觀今令升卜築朋溪尺占林壑之勝風雨之暎雪月之悅仰百態李營丘之神逸范寬之雄奇皆在吾目中矣安用此紙上景也

贈筆士柴珉

晉陵多筆工大夫市筆者往往以名求之有柴瓊者後出  
工制美妙作宜樣尤奇乃書以示喜事者勿為耳鑿所誤  
也

題蔣宣卿所臨東坡虎丘詩

孝佛者陳慧驥出蔣宣卿所臨東坡虎丘詩筆精墨妙雖  
不可到而義類良是恍然如見陳驚坐也

命朱監倉東軒名

朱德固監常州倉寓崇勝寺結屋數椽吏退則休息其中  
屬余製各書榜余誦東坡詩云但見東軒堪隱几不知公  
子是監倉遂書東軒二字遺之

題陳紹曾詩

葛亞卿給事初第時賦律詩百韻贊樞密蔣公一侍士大  
夫傳寫幾於紙貴矣此見陳紹曾亦以百韻見江陰太守  
蔣李思屬辭用韻馳騁千言如造父御八龍行乎蟻封水

曲之間疾徐中節無一可恨者紹曾亞卿里中人而李思  
則樞密公之孫也五十年後前輩風流復見今日三讀感  
歎云紹興戊辰十月既望晉陵孫

題惠洪詩後

鄭昂不具眼以鼠為璞正使惠勤道潛無恙惠洪尚不堪  
作奴安得薄之然天下至今知有勤者以歐陽文忠公  
東坡先生之言也如惠洪文辭九陋正如李赤之擬李白  
而自託於昂螻蛄轉圓蛆蛆甘帶以類相從不足怪也余  
寓曹山偶讀甘露集書此贈如左

余偶見甘露集詞語九近無可採者遂書數字於卷末徐  
葆光見之拊掌大笑曰腐鼠遇周人而敗之矣余聞之曰  
吾言不為公等出也江左諸儒為耳鑿所誤李惠洪詩口  
誦心惟如參無眼禪可笑余哀其無知作數語以警其憤

者尔若吾人日與李杜韓柳相對於黃卷中而不知惠洪之陋吾不信也

跋志新三帖

君

東坡先生無恙時群書文攻毀書滅迹殆不容於世蓋棺之後文章翰墨散落夷夏重如珠玉寶貝而錦囊象軸之藏齋亦常居八九獨志新所示乃真蹟也公常哀陶淵明而貧賤常在生前功名常在身後二者不相待也悲夫大丞相荆國公率意而作本不求工而蕭散簡遠如高人勝士弊衣破履行乎大車駟馬之間而目光已在牛背矣草書不可無法而高風遠韻當絕出筆墨畦徑之外惟魯直之書為然建炎以來名章俊語盡集於上方而魯直骨已朽矣哀哉

跋鄒道卿陳堊中江民表帖

侍御鄒公直道立朝歷三院御史名聞建中靖國之間蔡京用事坐鉤黨遂廢不幸早沒其不及識也比抵罪南迁道臨川始與公中子志新游得公行狀讀之為出涕志新一日出示諸公手簡數紙筆跡宛然三復感歎觀諸公之所與則又知志新為鄒公之子也

黃帝封泰山頌

昔在黃帝膺土德之運躬循齊政敏之質修德振兵監于万国逐鹿之戰既勝包工戈而弗用爰率風后力牧之徒同德左右康濟天下開明堂以朝四夷作咸池之樂以文頌声上之日月星辰之序下之鳥獸草木百穀之宜若大若小罔不作又於是登封太山勒功告成神靈居歆萬方和會功大德備為五帝首可謂盛哉封祀之礼尚矣母懷氏而上制作之文六經無所述殆黃帝之興創法立極礼

制樂備然後山川鬼神封祀者為多焉三代之王文献相承云亭社首之盛雖槩見於詩書而稽古禮文之事多自黃帝發之是宜作為頌詩以紀洪烈頌曰

維古至人德盛而帝嗜欲開先以德薦瑞終鹿之原布昭聖武風揮日舒莫敢侮旁招俊乂弼亮帝工風后力牧常先大鴻乃開明堂駿奔萬國乃奏咸地簫勺群慝正名百物言順事成推筮迎日以監太清鳥獸虫蛾百穀草木萌區異狀罔不率育土石金玉功利川濟水火材物資用不匱垂衣而治匪疾匪棘厥壤可遊仁壽之域符瑞紹至雲物翔洋乃建官師以定厥祥協氣橫流陽開陰閉薰為太和弗肅弗厲功大名顯為五帝先具著顯庸升中于天肆作元祀發號垂鴻蒲車委蛇至于代宗維山巖巖奠茲東魯神明之奧氣澤所聚類于上帝來碩來歆百神受職

效若有臨奉盜以告鄙上之黍三春茅藉酒醴維醕匏樽粗糶大禮無文神之聽之厥聞惟馨天地不應不謁而獲下世弥長授以神策三靈悅豫四方和來德音孔昭萬世由之

### 圓悟禪師真贊

佛之道難成阿難七徵而不知真心之所在菩薩大弟子皆不任問疾其難如此固非下愚凡夫之所敢議而世之學者託佛為姦規以射利爭談禪悅問東說西拍空畫地如醉人說夢狂藥攻心謔言藝語一切皆妄如小兒觀戲初無所睹忽聞人笑亦復大笑互相欺給如是而已以故士大夫鄙夷其說以妄疑真莫肯信入有圓悟禪師勤公者具正法眼為世道師余見其住京師天寧時梵相奇尾神守登默隱几塔然不知向人所在已乃據坐說現向文

章旁引孔孟詩書之言合而為一詞辨鋒起迎物綏解以  
目證耳無可疑者於是一時公卿侍從富室大家與夫道  
德才智之士翕然宗之遇休沐日寢明未闢而履聲蓋駭  
駭矣建炎初詔住金山之龍游會叛兵趙萬據京口聯數  
十艘奮棹噪而前遇風輒返終莫能犯久之過張廬而大  
賊張遇庵至闔寺逃散攻剽一空惟師鉢囊猶無恙又嘗  
蓄一筍儲上方賜物自隨徒步不能將盜平得於煨燼中  
封識尚如故道俗驚歎以為未曾有也乘輿守維陽召對  
行在問佛法火意奏對稱旨始賜今號改住廬山之雲居  
雲居有安樂神者據方丈前任持人皆避不敢居師居之  
自若三年奏乞養老還蜀詔許之再住成都昭覺院九六  
年而寂比茶毗齒舌不壞得舍利五色無數今丞相張公  
德遠銘其塔余在京師時嘗從師游僧宗遠者已能傳其

學子褒然為高第今住平江虎丘雲巖院一日過余出師畫  
像請余為贊贊曰

椽木椀革偃師之戲相彼幻身亦復如是四大假合妄認  
為真薪盡火滅奄為空雲去何拳寫紙上影是耶非耶為倒  
為正有大比丘僧中之龍具大圓覺徧滿虛空巍然堂堂  
遺像在此一切人天見者皆禮 百二十字

孫尚書大全文集卷第五



孫尚書大全文集卷第五十

疏

請正師住龜潭

一丘黃壤永依龍象之尊百室青蓮普照松楸之上某  
人安心得法隨處現身竭菜給孤祇樹之園面僚達磨少  
林之壁栽花種竹不妨宴坐觀空運水般柴自可優游卒  
歲

金沙寺修寢堂

鴻般舊隱罨畫叢林昔高僧振錫之初寶長者布金之地  
龍天擁護可續千灯風雨震凌遂空四壁仰勤檀信共締  
良因敢言眎疾於毗耶文室之中庶幾容睎於彭澤南牕  
之下

請長老開堂疏

得佛心印般若流餘大千在我門中辨才今為第一而况發地藏之衆寶鼓天雷之大声果有當人先傳師法共惟礼清溪之坐授建隆之衣聚万種之雲光烈一時之風雨釋梵衆聖扶成智慧之言王公大人驚動聰明之聽北方龍象未有前聞我等一衆稽首歸依

請妙老住墳庵疏

盖茹一蓊容昧有餘良藥万金安心是法妙公長老夙心不昧真契自投於當來世有大緣故所遇作大佛事望松秋而拱矣方懷風樹之悲聽瓦礫以滅然行見雨花之墮

薦淑人章氏水陸齋疏

常住真心一塵不立妙莊嚴海五濁俱空是故諸佛開衆生方便之門然一念證无上菩提之道伏念亡妻開国子淑人章氏十年好合憂患乖離万里來歸死生契闊属臨

諱日祇扣空乘弘宣貝多葉之文瞻礼青蓮花之座龍天輝梵水陸空行遊戲神通恭敬圍繞伏願厭離火宅超悟三乘縮疊華中解脫六結後身了了畫沙之智已成曠劫冥之觀河之見不滅

延壽堂疏

般若光中賢愚所聚涅槃路上凡聖同居堪嗟有限之一身尽落无声之三昧撒手塵埃之外舍緣泡影之間煙尽灰飛休問本來面目出生入死還他无位真人道吾靈骨有誰尋箇洞閑名空在世雪峯當年造塔自要安身崇寧此日建堂普同供養透網底奉饒點額沉疑者特為書街圓寂歲華惣題于後非唯鄉井累見且要一狀領過

天寧節功德疏

伏以穆清受命肇興出震之祥曆數在躬茂對卜年之永

矧自璇霄而抚世紹膺鴻号之長生共惟載肅之辰重視  
无疆之壽伏願丕承景祚增錫純禧時乘六龍接統千歲  
皇天佑于一德克享神休慶帝与我九齡永為民主

又

伏以佑民而作之君篤生上聖繼天而為之子永命有邦  
仰戴鳳之應期當就盈之良月重明久照隕祉發祥 陛  
下伏願嗣曆无疆如川方至天授泰元之神策巴介鴻休  
歲以人千為春秋更符善欲无任

致語口号

張相樂語口号 致語見後

秋風獵獵卷紅旌賊壘匆匆唾手平笑倚拖樓天上坐卧  
聞鼓角地中声一時狐兔空三窟千里風煙浸十城共此  
吳兒邀一醉如繩之酒為公傾

儺隊初出致語

臣聞南正司天无俾神人之雜夏后鑄鼎以紀山林之姦  
苟非聖明孰知情狀昔高陽有不令之子歷前古為厲之  
階始命大儺式誅小醜周人攘穢達春氣於九門漢氏傳  
呼投赤疫於四裔挑弧棘矢以赫厥靈撻前壘神荼尚存遺  
烈自時歆後振古如茲共惟撫字含生範圍不化過真微  
孽或害至和乃受記於儲神欲躋民於壽域今者主春甫  
近星紀將迴餞送餘寒乃迎新於嗣歲祛除陰匿用集福  
于清躬宜令侂子之倫咸奏時儺之伎

儺師逐厲文韻語

帝居高昊念此下民孰尸殺生分命有神尚憂牙孽地大  
衆夥物魁神姦或形么磨申命真靈時狩右土督視四圍  
建其於女二月主時歲終若陰用厲皆歸行寔煩厥頌用



象夔魑旱魃犇狂木石之怪魍魎魍魎蚊蝻蚘蚘爰暨畢  
方嘯其朋儔附屬依託焉爲焉瘡伊其相譖高明三家晝  
日相瞰水炭反覆與訛造訛嗟尔何爲稟厥冷氣使人寒  
執焉已得味蒙世毒歐已避復肆矧乃巫覡譏罵不耻茲  
極伎窮止以益死几我象士是瘡是戮殄類勦根俾無遺  
育保我幼艾以弗不淑上帝好生天網惟疎于命自投殊  
汝幽都廓然妖氛雲散風靡至和嘉生歲不疵癘惟明天  
子如日之昇物寧有是而敢顯行惟明天子傳序古帝採  
執斗柄運行歲次清明在躬負展垂裳大開明堂以顧万  
方

讎畢繳隊祝 聖壽文

青衿雲集嘉小道之可觀華表天垂仰容光之必照妖氛  
殄滅佳氣極舒葱且端拱於穆清以道迎於景貺 皇帝陛下

下伏願降年有永受祿无疆御六氣以順時合三靈而薦  
祉百神受職川嶽修貢而効珍五偉執盈星月聰珠而合  
璧方迎春而饑膈亦除舊以布新出自清衷敷于蒼震九  
嬪就館茂滋種稔之繁白世卜年永隆龜鼎之祚

孫尚書大全文集卷第五十二

。疏

開利重建藏院疏

欲除空幻當付八還永斷貪癡莫如一捨自非龍華世世  
受當來之記曾於菩提種生生有宿植之根一睹勝緣遂  
發無上采芹獻帝推食供僧將軍拍兩困何其多貧女施  
一錢夫豈少第乘應捨之筏自分無盡之灯

注羅漢疏

變化飛行本無住相莊嚴淨供須假信心欲持飾像之良  
玉富有布金之長者願祈樂施共結勝緣不到石橋見尊  
者之五百何妨寶聚滿世界之三千

注供養疏

薄拘羅尊者種一訶黎勒得無病報身維摩詰居士分二

珠纓絡爲具足法施無多寡隨力助緣長者布金已超  
最上乘貧女施錢亦獲無量福睹茲妙果共結良因

吳江教院塔疏

長者布金号阿蘭若僧伽留錫在空堵波人依十方之尊  
地接三江之勝龍天栖止百寶壯嚴劫火洞然一夕煨燼  
仰勤檀施共締鴻因將軍指一禾困居士分兩纓絡玉霄  
雄峙寶刹增崇巋然三百赤之高擁青蓮於地上瞠若万  
人之衆標日月於指端

金沙寢堂疏

鴻盤舊隱罨畫叢林昔高僧振錫之初實長者布金之地  
龍天擁衛可續千灯日月推移遂空四壁仰勤檀信共締  
崇因敢言示疾於毗耶丈室之中庶幾容膝於彭澤南窓  
之下

請方師住庵疏

種蔣松楸迄今五世追營香火何止百年評公已潜九泉  
之幽方老爲續一灯之照凌空飛錫在處隨緣據地磨磚  
不妨穩坐

請龜潭疏

一丘黃壤永依龍象之尊百寶青蓮普照松楸之上某人  
安心得法隨處現身揭來給孤祇樹之園面徧達磨少林  
之壁栽花種竹不妨宴坐觀空運水般柴自可優游卒歲

華嚴輪藏疏

一乘法輪三身普現十蓮華藏九會同音故諸佛開大方  
廣門爲衆生滅貪瞋癡罪四十九年如來說法五十二位  
菩薩現前善利弘開妙音演暢貴寶衆善普證大緣由進  
寶以成山積盈科而至海不住心不退不轉無量福無數

無邊九我華嚴界中共證然灯佛所

送忠師入庵疏

百年休歇四大全空一念歸依三生不昧某人追營香火  
并濟幽冥弘開十力之慈光賁九泉之室即諸緣而應行  
看隻履之飛隨所寓而安豈厭把茅之漏

請闍梨疏

老宿下床已開半藏維摩無語亦涉二門真心本自不生  
定法亦無所說某人英特大乘之器圓明後覺之宗陋鼠  
矢之汗羹啖蠅頭之鑽紙俾除疑網尚假言詮有情無情  
已證未證一音演暢四衆歸依水鳥樹林悉念僧牆壁瓦  
礫皆說法寶塔現重重之相諸佛證明金蓮開葉葉之新  
一時作禮

請闍梨疏

如來超最上乘初無言說佛子墮無始劫久住輪回閱諸  
一切有情當為衆生說法某人讀書悟斷輪之妙談空契  
投芥之機面壁九年已忘言語道彈指千偈猶現句文身  
指彼岸之津梁示郡迷之領袖墻壁瓦礫皆具法音龍天  
鬼神遍作花雨

請長老住庵疏

蓋芥一把容膝有餘良藥萬全安身是法妙公長老夙心  
不昧直契自投於當來世有大因緣故隨所寓而作佛事  
望松楸而拱矣方興風樹之悲聽瓦礫而熾然行見雨花  
之墮

薦亡女疏

死生之分定應同露電之觀父子之情鍾尚懷駒犢之愛  
仰憑十力俯薦一哀伏念亡女小師自天降凶遭世困極

父罹大罪遷于嶺表母墮不測死於葦中以榮榮童孺八  
歲之餘而呱呱號慕三年之久孤危極矣何恃而存疾病  
乘之遂失其命念私門之降戾致稚女之蒙辜行歲一周  
生還万里不免水火負九原沉痛之冤示現神通仗諸佛  
慈悲之力是用集桑門之勝侶演祕藏之真乘洞然無不  
之灯彌滿衆香之鉢海潮隱地花雨翳空升濟幽冥歸依  
佛祖伏願亡女洗心償一念之債彈指斷三生之緣降伏  
諸魔滅除三障觀一炷有為之法悟四大無常之身普同  
有情咸證無漏

代人薦女

衆生造十習因受無量苦諸佛證三摩地示大悲心一彈  
指而沙界已周五投躄而應身出現仰惟洪造俯鑒一辜  
公念亡女六妾所纏十生相續屬免身之彌月忽遇疾而

而暴亡四大無常百藥靡救恍如一夢已隔九泉念茲齒  
臂之傷莫救投車之痛是用歸依寶王刹稽首大法輪發  
意圓成佇佛來應千灯普現八鏡交光五色摩崖照濁水  
之源百寶蓮華雨娑婆之界伏願某人悟三生之宿障洗  
曠劫之塵勞破煩惱網為解脫門斷生死根為菩提種諸  
国土內見自在天身如來會中作大法王子三千世界十  
二類生同躋極樂之方共獲逍遙之果

茶榜

謂茶以苦以蜜說甜同在一塵孰知正味某人以廣長舌  
說第六義以清淨眼證不二門應感而現法身隨緣而作  
佛事衆狙進果百鳥銜花鳴兩耳之松風倒一甌之茗雪  
三竿紅日上已熟歇時兩腋清風生不妨仙去

致語



和州宴交代趙承議致語

朱轡皂蓋方班楚澤之春錦纜牙檣又泛秦淮之月簾壺  
闌道簫鼓沸天紛然卧轍之坻俱有挽須之意恭惟交代  
知郡朝議忠純許國豈弟宜民時推北斗之一人來擁東  
方之千騎望長安之日久馳公子之心快楚臺之風聊共  
庶民之樂麥膺妙東移牧通都五馬攢花難駐雲霄之步  
九芝塗檢竹露雨露之恩知府侍御夙陳燕豆之歡增重  
交承之契十眉環座千拍調絃長歌牽獨壘之綠百柁倒  
瓊艘之綠渭城朝雨繫別恨於垂楊南浦春波渺愁心於  
碧草

天涯万里一樽同醉眼愁看月墮空盡角孤吹千嶂曉綵  
舟橫曳半江紅啼粧尺帶梨花雨舞袖猶翻柳絮風只有  
邦人頌遺愛棠陰遶屋自龍葱

平江宴張俊觀察致語

碧油開道初班六月之師緩帶行觴大飫五山之俎恭惟  
某官名高八陣氣蓋諸公奇謀參玉帳之籌妙東極楓宸  
之眷方上聖推轂軍門之日正偷兒弄兵草莽之中折箠  
一揮投戈回潰鐵衣百万尺崑細柳之營珠履三千坐嘯  
紅蓮之幕知府某官恭陳燕豆暫駐旌麾戈戟干霄簾壺  
塞路畫閣捲珠簾之雨舞茵生羅襪之塵雲起雪飛百柁  
倒瓊艘之綠河傾月墮千葩摧蠟炬之紅

秋風獵獵卷紅旌賊壘忽忽唾手平笑倚柁樓天上坐卧  
聞鼓角地中聲九門合遯追鋒去千里謹呼負弩迎從此  
三吳傳盛事一時草木盡知名

孫尚書大全文集卷第五十二

孫尚書大全文集卷第五十三

文

西徐上梁文

踐虵茹蠱脫身五嶺之陬補劓息黥歸老三家之市桑麻  
接畛雞犬交音已免賈生問鵬之憂遂諧韓公見蝸之喜  
富春故侯炎海虫虵之侶玉川蟻虱之臣屢聞晏嬰齊履  
之言遂解鍾儀楚冠之繫蝸盤兩角已同墜甌之觀貉共  
一丘豈恨虛舟之觸向空而書咄咄擊缶而和烏望故家  
以終焉羨吾生之休矣乃占吉日爰舉脩梁鄰翁無爭畔  
之嫌山靈有築垣之助地偏壤沃井冽泉甘豈徒戀三宿  
之桑固將面九年之壁差蟾駕月上千巖紫翠之間一鳥  
呼風嘯方木丹青之表黃帽釣寒江之雪青蓑披大澤之  
雲

尚之朝歸伴牛羊之夕擁百結之褐捫風自如

往九節之筇送鴻而去里閭緩急皆春秋同社之人兄弟  
團藥共風雨對床之夜盍歸善頌以佐歡誥

東卧占寬閑五百弓一榻清風殘酒裏半窓花影日曛  
南弥勒年來共一龕繞樹獸聞鳥攫一彎弓莫向虎耽耽  
西落日投林急鳥栖一抹斜紅猶未斂半鈎新月掛簷低  
北欲取單于老無力且令斗酒百憂寬莫遣家書万金直  
上方壑煙雲集遐想顛倒山翁白接籬光芒太一青藜杖  
下去去而今事桑柘不慙雀鼠盜太倉且伐雞豚燕同社  
伏願上梁之後千餅解崇三楮送窮人兒看年年歲歲之  
同花枝見夜夜朝朝之好以二百五十畝公田之入尽付  
酒媿之家為三万六千日醉鄉之遊獨占地仙之藉

馬跡山上梁文

四鄰烽火誕弥蛇豕之墟一島風煙宛在龜鼉之窟

較人之館浮杯梵帝之官偶避地於兵間遂問津於耕者  
鴻慶居士數竒半世多難百罹救過吹壘悼心喘月平生  
許國卧陳登百尺之樓晚歲營巢住揚雄一區之宅命龜  
三卜避盜五遷獨行鷗鷺之群遂入雞豚之社半山銜日  
落帆影於座中万壑留風過樵聲於枕上蓬茅不剪畚鍤  
自隨遇開白板之扉緩扣烏犍之角兒童拍手競欲挽頤  
婦女膺門那開轅金泥田父瓦盆之飲荷園官菜把之恩  
帳昨夢之已非佚吾生之既老木居士安能為福亦又何  
求土偶人自得所歸於焉是息共此百家之聚來同一笑  
之歡

東春入山林処處同芳草不鋤隨意綠閑花無主為誰容  
南鼻息齁々午睡酣一簟清風吹酒醒槐宮不見府潭々  
西刺眼藤枝步步迷雀啁風前紅皺墮魚跳波底碧圓低

北方須滄波圍澤國風引仙舟到復田山人俗駕何須勸  
上霜餘木杪浮新漲肯教百鬼瞰高明怨鶴驚猿號夜帳  
下燕雀紛紛來賀履吳王宮殿舊巢空共此蓋頭茅一把  
上梁之後蛟蛇結蟠犬雞蓄息野蘭大如瓮益禾困高若  
坻京遇桑間之餓夫一飽之恩尚在觀梁上之君子大千  
之劫無因九我往來共茲快樂

青詞

戊辰醮青詞

伏以雲天溥博大芘群生螻蟻么微上干洪造伏念某紹  
興辛巳歲出守臨安府真行妄發觸罪南遷仇怨滿前奇  
禍不測投荒万里未知稅駕老幼百口狼狽無歸僑寓馬  
跡一島之上而村舍庖煙上薄煬突久燥欲焚天誘其衷  
夜中驚爆應時救護得免燔蕪弟婦胡氏猶子強宗三被

危疾救藥靡効賴天之佑得保餘息嬰兒壽考免乳之夕  
母子陪危亦獲無恙皆臣弟某齋心啓禱前後七筵敢用  
昭告嬾嫂劉氏頃緣幼女蚤逝願追福於後身侍妾鍾氏  
又以老臣行年懼挺災於照耀逮茲穀旦祇奉靈科虔誦  
祕文重脩妙果誕惟仙聖靡隔塵凡哀憫手足急難之情  
保全駒犢孤危之命或伉儷之際若幽顯之間蠲除回祿  
之灾消弭歲君之厄仰憑帝力式副弘願俯輸危懇用伸  
報禮雖觀人之大莫可觀窺而區區之誠庶幾芹獻洗心  
歸命稽首投誠誓畢餘生求依至道如貴賤貧富壽夭之  
數固有定命不敢妄祈而水火盜賊疾癘之虞出於非常  
尚冀加護且無任

西徐入屋青詞

栖遯末路獨行万里之餘晚晚流年未就一塵之託爰屬

歸田之日亟從問舍之謀永悼窮猿失木之悲遂詣脫兔  
投林之喜所願容膝南窓之下坐觀六十年之非寧復有  
存心北闕之中大庇千萬間之意詎龍視日際地庀徒疏  
决溝川誅鋤草莽甚虞戕害一特昆蟲之命更懼鷲觸四  
隅神靈之愆迺即家庭躬陳菲薦命羽衣之勝侶誦慈藥笈  
之真文俯輸螻蟻之誠仰企雲霓之望蠲除瘡癘膺受福  
祥上有天臨旁無鬼瞰俾同袍之兄弟共臻黃髮之期遂  
徼福於子孫永保青氈之舊

苗蘇青詞

道大洪濟物之功人窮聲籲天之禱自中原稔夷狄之禍  
而一方纏蛇豕之妖劫火熾然弥滿万里胡塵洞瀆連絡  
百蠻慟哭干霄肝腦塗地積骸蔽野醜血流川走燐宵明  
遊魂晝哭風雨暴露靡一抔之覆春秋莫覩無半菽之分  
念衆生曠劫嬰累之深丁一時大盜稱兵之衆貨財留戀  
骨肉牽聯淪溺愛河備嘗諸苦漂墮鬼國無有出期良用  
仰紫極之真遊集黃冠之勝侶琅函藥笈藏室弘開絳節  
朱裳靈遊來下哀矜多罪拔出二塗金飯玉漿有求皆至  
尻輿神馬無往不通破昏暗錄而求離九地之幽秉道遙  
遊而共集諸天之上

銘

賜扇銘

紹興初兵部尚書胡公直孺侍講禁中上以所御白團扇  
親書文物多師古朝廷半老儒十字賜之後十年其子巨  
其屬臣孫某為之銘銘曰

天厭隋亂唐室代興於赫太宗大人繼明手提三尺除殘  
禁暴日月宣光風雷布號功侔禹甸德配堯天甲官菲食



吾无間然賢路宏開王直是與禱先哲御于帝所著爲世  
準聖聖相因稽經問道如出一人偉與胡公万夫之傑者  
儒宿艾歷宋三葉扇出尚上寶墨未乾天縱筆妙宛若龍  
鸞璧月煌煌光燭部室子孫視之稽古之力

能仁寺鍾銘

太平興國之初平江軍節度使孫承祐鑄大銅鍾於能仁  
寺爲樓三成居之後百五十年當建炎庚戌盜入平江能  
仁大火一夕而燼又四年紹興癸丑寺僧行和者募衆力  
更鑄鍾成爲銅万二千斤晉陵孫某爲之銘銘曰  
法音无礙遍滿大千際天軼海無量無邊衆生執迷馳走  
空聚聽蟻爲牛夢春作鼓矯乱顛倒妄認前塵色聲文鴛  
不守其真粵有大士脩三摩地出大音聲而作佛事燧未  
葦金以燔以鎔鑄此東序千石之鍾蚩以目聞猶以足聽

水鳥風林更相和應除龍聾破瞶擊而通八方上下地獄  
天宮一切滿中十類四相九厥聲聞俱證无上

題胡維國華舫銘

胡維國所御華舫號飛鵬齋晉陵孫仲益見而爲之銘  
營巢幕上炊黍劍頭棘荆之端可以刻猴螻蟻之穴如聞  
鬪牛蚊聚一器狂開啾啾南海之鵬載雲上浮一怒決起  
八極已周俯視大千區中之囚達人大觀跨海成浮飄然  
無礙不繫之舟騎雲曠風追汗漫遊二虫何如斥鷃鷓鴣  
駕言從之忽焉在後

孫尚書大全文集卷第五十四

銘

孫農先墓銘

君諱稷字農先姓孫氏聰明博達有高節大度能道人短  
平處抵掌論天下士雖將相大人名号聞四海若未可其  
意益願自樹立表見當世而屢試於有司輒不售建炎初  
天子東巡鬼攬群策片言投匭往又超徒步至大官君慨  
然自喜庶幾於一遇而軍遊孤立无黨友之助故卒於无  
所就以死悲夫將葬諸孤走泣而言圖所以詔後世者乃  
叙而誌之孫氏望富春而家世常州武進諱公職方員外  
郎君之曾大父也諱公君之大父也諱公登州文孝贈宣  
教郎君之父也宣教生四子長曰穆以儒孝起家典兩州  
刺一路卒官朝散郎曰機曰植皆以行義稱於鄉里君其

季也君少長嗜讀書尤邃於易不守先儒傳注而莊周列  
禦寇浮屠氏之言合於經者佐其說推原性命道德之理  
幽明之故鬼神之情狀迎見立解超羣獨出一時先生宿  
儒更歎善以為不可及文章能傳其志而辨於說理等義  
精確不為空言嘗一試太李遂超其列會朝廷更三舍法  
而君之親老矣未幾三兄相次下世圖宗僅千指冠昏喪  
祭衣食之養皆屬君二歎曰吾道厄矣遂策書不觀而治  
其家問從里長者劇談縱譎以為矣樂性夷曠不立崖異  
中有所懷如茹物不下必尺吐乃已面刺人過及言不諱  
或從旁切聽它日記疏以為口實蓋君忘之矣踈財樂施  
一語之投捐數十方无所計意所不合一錢不分也疾革  
後事皆有宿誠至屬纊无繆語寔紹以四年九月六日享  
年六十有一娶強氏生子十一人男曰好謙好大好脩好

遜好剛女適右宣教郎新知紹興府稽會縣事余衍左宣  
教郎權通判无為軍事劉彭年進士及第席畸右從事郎  
新監温州支益倉施增右迪功郎新台州司法叅軍祝求  
仁餘未行明年九月壬申葬君縣之懷德南鄉鄭莊原上  
公君之從子也兒童時出所為文詞見君二喜曰孺子可  
教矣先公通議命公師焉中間官遊四方離合不常而視  
諸族子獨親且厚也厚守臨安觸罪迁嶺表君曰此南  
柯太守夢也一切世間共一蟻蛭若能回光照了諸妻如  
還故鄉初見父兄此真是邪於是欣然悟笑遂別後三年  
蒙恩北歸而君沒矣銘曰魏王之瓠大弗能容不龜手藥  
一戰而封孰哲孰愚祇繫其逢銘以著之闕此新宮

朱成德墓誌銘

故宝文閣待制朱公紱建中靖國間仕太上皇位給事中

以論事切直出為州一時号稱名臣生子曰宗右朝散大夫直祕閣提舉江州太平觀宇成德又以高行剛節繼公後以紹興九年九月已知遇疾卒于家其孤元飛走介馳告公之友晉陵孫某公發哭已具書吊其孤而許以銘余曰建炎初天子御戎衣南守淮海上厲精旰食博採群議如不及而比閭小吏往一起家至大官者世之君子尚懲尚賢任智之弊操區區老生常談陳腐之說為救焚拯溺之方以故積亂十六七年兵連盜結財匱力屈士大夫未有以功名著見於天下而光明俊傑有如公者懷可負氣挺立人上剛毅沉塞持一意无所牽隨可以屬大事而投閑不用至於死可為流涕太息者也公朱氏其先自光州同始避廣明之亂徙閩中今為興化軍仙遊縣人待制公斥為州時以郊祀恩補公太廟齋郎待制无亡子弟且差

矣公不敢言仕待制捐館舍已卒喪公猶不忍去墳墓政和元年始調永昌府長社縣尉長社田園極膏腴豪吏多植產其中縱其始奴侵暴閭里為姦利有誣鄰翁盜犬訴於公者公曰汝守舍亡犬而誣人以盜邪命拘之召其孳与之期三日戒曰期至而犬不獲且併按汝已而犬得叩頭悔謝請後而自改公許之自是其徒相戒不敢弄以事守將營厨傳檄公屬民涸西湖水為田耕之公曰厲民自養非為民父母意即日反其檄守初快之无奈久乃已五年捕盜應賞改承奉郎授信州司錄事未赴除司農丞秩滿改太府迂駕部司門倉部吏部員外郎司農少卿鴻臚卿太府卿皆有能名其為吏部司農杜吏謾決稽墜无留事允有能名 太上皇尊寵潛藩之舊仍錄其子如何志同温万石傳誼夫之儔皆超進大官待制亦舊李之巨也

公不自言亦无為公言者太師蔡京與公父子同州里持  
國秉逾二紀貴震天下車轍填門公獨无一造以故襄陽  
省寺十五年視富貴寵利澹然不干其心而以善人君子  
身不為已休戚靖康初政近臣薦公才堪治劇 淵聖召  
見欲用公為開封尹而公奏事觸宰相命遂止 今上即  
位大臣除不附已者多被責徙公亦免所居建炎四年五  
月擢奉南京鴻慶宮十月召還為大理少卿建安盜起上  
飭制置使發兵捕誅而師屢去无功詔選部使者除公直  
祕閣福建路轉運使且趣公入對公曰愚民窮困弄陛下  
兵延一旦之命而將吏養寇弗除誅歛益急將及駭齊民  
以為盜 陛下弟追還制置使付臣綏集之可毋戰而平  
也陳便宜十事皆世務之要上嘉納悉付公施行而制置  
司方議募兵檄取錢米數十萬公移書責之曰公擁兵弥

年州縣轉餉費百万而誅責不已民在壑矣吾不能為公  
下石公自為之會朝廷遣它將代還而盜平如公策公家  
閩中一時官吏材鄙皆習知之歲竟取衆所共推以為材  
者第其能為一書上之朝不由介紹皆被慰薦而勢家子  
恬貴為不法者飭免歸於是閩人新困於兵公所與除人  
以為便而言者復論公為提奉江州太平觀公亦薄其居  
家十年不復而仕進意享年六十積官至右朝散大夫曾  
祖榮不仕祖端贈朝議大夫父待制以公故贈少保母劉  
氏福國夫人繼母劉氏慶國夫人公妻令人漳浦劉氏通  
直郎鎔之女先公卒四子元熙右從事郎泉州惠安縣丞  
元悅登仕郎元飛右修職郎泉州晉江縣主簿元輝右迪  
功郎泉州安溪縣主簿元熙元悅元輝亦前卒五女長適  
右迪功郎劉巡次適左宣教郎尚書吏部員外郎黃祖舜



餘尚幼嫁剡氏者亦亡矣孫男五人曰沆將仕郎曰澤曰  
演曰澡曰滂公志大才高遇事蹇蹇有立常病天下苟且  
之俗勝而中都官為尤甚便文全已僅同寄坐公九為省  
寺官樂職喜事如一日省文書辨施舍一切以法令從事  
遇不可陳義凜然視權貴人亡如也大率為人好直尚氣  
以不同於俗為主衆弃我取彼獨方以故不能取容當  
世公事親孝所生母太令人湯氏年八十三自公官長社  
登九卿晚食祠觀未嘗一日輒去侍旁孫曾盈前虐待樂  
飲為其意之適不幸公屬疾奔而先太令人哭殊悲行道  
為之出涕此其可哀也元飛以紹興十一年七月壬寅葬  
公縣之南塔山之原書來徵銘如約嗚呼靖康末二帝幸  
青城群臣皆從居无幾虜酋壇署置縱遣馮澌曹輔二十  
餘人尽集端誠殿下獨余不在遣中有小胡教余以姓名

屬胡人用事者亦得去已乃養瘠筋使追還余獨念孰可  
叩緩急者乃即舍旁從刑部員外郎張卿材自固又間行  
詣公越七日虜使坐都堂趣還甚急而卿材從開封吏卒  
質明造公家余自度不得脫願謂公曰虜騎且行矣弟為  
我一日計公徐出召府吏前曰某官嘗抵此又他適矣吾  
自使子弟訪求之求而不獲吾與之代往音吐鴻亮吏卒  
竦聽不敢動翌日虜騎引去遂免嗟乎方強明得計凶焰  
赫然公一言折衝遂紓朋友係累之禍使公得將相踐艱  
乘危辭紛排難致君臣之義必不使尽得志於此時固无  
疑也銘曰欣欣巧夫舐痔得車乞祭之餘衆固募以趨而  
媵其孥公奚不如寧蟻微與之居曳尾於匠塗以全居驅  
左詩右書言息其廬拊缶而呼烏有街不祛以閔于幽  
墟

李靖之墓誌銘

元符未始著籍鄉校識靖之與其兄宗子李博士相之為同舍生是時方尊王氏三經字說之李者數百人手抄口誦連榻累笥非王氏之書不讀也靖之兄弟魁壘豪健有氣節強記洽聞不專事李子業間出東坡先生詩文首節謹亮耳目醒然如挽天河覆八溟一洗先儒箋注蟲魚之陋而一時諸老先生往々竊笑其迂遇休告則出從所厚善抵掌劇談縱酒博奕歌呼竟日而已真天下之奇男子也後數年余與靖之同登進士第官遊四方不相聞又數年余以御史斥靖之亦歸平江從事代還相遇握手談笑道舊故以為樂靖之意象索然無復故時俊壯邁往之氣而相之亦病矣余固怪之靖之曰平江大都會而朱勳以窶人子為虵豕侵暴一方奴使將佐與之為駟除惟恐

後吾如彼何哉已乃脫巾几上怒髮竦然推床大叫天復帳然以悲自是沉浮里中逾二紀不復有進取意嘗一出佐永嘉郡以避建炎之亂秩滿徑歸築居田間不交人事益復飲酒時有感遇作為歌詩以自娛戲卒不究而掩遂齎志以沒於紹興十一年六月辛巳年六十九諸孤抵父友乞銘誌其葬而以屬余嗚呼余與靖之游四十年見其盛而衣其衰又哀其死是不可以無銘也靖之隴西李氏諱端方今為常州武進縣人靖之其字也大觀三年試上舍賜出身主海州沐陽縣簿用事者迂通仕郎文以益貨改宣教郎調平江府司士曹事壹鬱不自得歲滿家居久之折資監沂州酒稅不赴遂致仕建炎初近臣薦其材召赴行在遂除鴻臚寺丞不拜紹興元年通判温州八年擢知韶州尋請官祠主管台州崇道觀積官至右朝請官

大夫靖之李博而辯屬文辭有與則而長於詩樂善多  
愛尤喜誦它人工者得一言一句手錄藏之累數十編  
而探求猶未已見其人則未始出一言稱善或問其故  
則曰吾惡其近於諛也平生故人去為公卿足不及門  
不通謁問若不可以親疏者居官潔脩自好願以所蒞  
皆丞佐不能獨有所為以自表見於世至於道守宮  
則未嘗屈意變節於一人自謂賈育不能過也朱劬用  
事負貴驕橫士大夫獻讒諛備使令以濟其惡靖之如  
避垢汚不忍開眼視之以故在事嘗欲去而无留心惜  
乎仕不逢時不得使其身一日立於朝廷之上故文章  
不大傳於時行義不博聞於天下而獨為所友可哀也  
已曾大父中立永州零陵縣令大父立宗贈承事郎父  
鎮奉議郎贈宣奉大夫妻余氏馬氏皆封宜人

子勇曰長裔右功郎監潭州南嶽廟曰長茂將仕郎女適  
右從事郎監臨安府龍山稅務施增次適登仕郎吳萃餘  
一女在室孫男女二人長裔長茂以其年九月丙午葬於  
進縣懷德南鄉朱夏村之原上靖之晚喜誦書不園於因  
果各相之說遇佳處則據榻卧讀之客曰奉佛當如是乎  
靖之曰禍福竟安在通其意而已一日忽書辛酉四月某  
日獲麟於所居之壁纔逾月遂屬疾不起噫亦異矣詔曰  
倚殿靖之瑚璉之器以抵鵠而毀以腊鼠而弃秦睨柱而  
起楚門撞而逝烏呼已矣与瓦礫異

王壽其墓誌銘

公王民其先著望太原曾大父璉大父仁諒家常平州之  
無錫縣以財築一鄉為大姓父軾通奉公魁岸有智略始  
大破貲聚築室金房儲書數百千卷千里迎師教其子種

德勢善所為過絕人號里長者未幾公以進士起仕三朝  
為世開人天子疏恩大賚四海以及朝士大夫之親凡累  
十二封至通奉大夫而无錫王氏遂大稱於天下公諱罔  
字壽基通奉公之中子少時已疑自立讀書著文出語  
驚人他生不及齒既冠得太李上將所為文章讀之曰吾  
可以一試矣則羸糧往從之閉戶治書未嘗嬉戲燕遊以  
弃一日積六七年遂大發於文清淳溫麗不見圭角如其  
皃然有司弟所試言書且等為第一元符三年解進士褐  
主睦州青溪縣簿以通奉公喪去三年召詣都堂除編修  
國朝會要所与故資政殿李士恭靖並命有忌公進者詆  
公以太李生時餞鄒新州遠赴詔獄斥居自訟命遂止差  
充台州李教授改通利單積勞遷從事充京畿提舉李李  
士司主管文字字俄徙京西北路秩滿用李者改宣教郎是

歲政和四年也除睦親北宅宗子小李博士北京國子司  
業三舍法罷改判司子監代還通判楊州建炎三年權發  
遣江西南東路提舉茶鹽未赴除尚書全部員外郎召見  
擢御營使司參議官四年請官祠主簿江州太平觀紹興  
二年召為尚書比部員外郎諸房文字遷左司員外郎公  
蚤以文藝游場屋為名進士故終徽宗朝五更內外李  
官之選而未嘗任事於時建炎初乘輿狩維揚詔以守臣  
呂頤浩兼戶部侍郎頤浩既居中不復省府事揚大州也  
豪吏大家喜犯法號難治會王室東遷諸將兵暴集官事  
滋出矣公始據案見吏於千兵万馬之中与之辦施舍分  
別可否既為一書曰請頤浩白遣之无留事州人不知自  
公出也頤浩德之它日入朝公亦召為尚書郎意公復助  
己公循道守官不為翁然心平氣和自得理所言者以



宣政誤恩不厭天下公議請稍損太甚者詔屬左右司頌  
之謂之討頤浩當國有所貸言公輒持不可曰管仲奪伯  
氏駢邑三百飯蔬食沒齒无怨言何謂也法者天下公共  
之法也大呂行法與衆棄之尚誰怨前日論甲絀兩官且  
至乙矣輒貸不問今日復論丙如申公秉國鈞於天下具  
瞻之地不平謂何而怨始有所歸矣頤浩矍然雅愛敬公  
不以爲對公之遇事時而施張蓋如此公嗜書自幼至  
雖舟車鞍馬行役間未嘗棄不讀尤長於易嘗著論以黜  
先儒之謬晚年深明春秋左氏之季考質諸侯卿大夫功  
罪以推見當時得失理亂之故傳經爲說反復貫穿切於  
時務之要一日奏事殿中上曰婁讀卿奏拍事據經皆本  
春秋之旨又曰呂頤浩治維揚有狀繫卿之助天語一聞  
衆謂公且光顯矣居何又引疾勾去除直祕閣主管臨安

府洞霄宮六年徙奉台州崇道觀頤謂諸子曰吾起白屋  
仕四十年三入尚書爲郎佩服至五品更十六官而不一  
挂于法於吾足矣歸掃先人丘墓以足餘齒不亦可乎耶  
日上書告老九年守本官左朝散大夫致仕詔官其一子  
士論趨之公自奉祠至謝事里居八年飲食起居強健如  
壯者族姐慶吊兩目瞭然須髮如漆不見老人衰憊氣一  
十一年己亥感微疾不起享年七十有五屬續之際凜然  
如平生公資沉厚不妄爲笑言胸中甄別人品所以輕重  
甚嚴而不出諸口聞人一善若已有之樂易慈恕未嘗盛  
見門內訥訥如也在京西時提奉官張康仲病廢不任職  
其兄康國知樞密院方貴用事故臥家逾年而委事於其  
屬時參知政事陳與義方以河南府生登各貢士籍公覆  
覘所試文屬辭贍麗超其匹遠甚而語涉忌諱當黜公拊



卷三復就現有印文其上乃從間處索筆塗滅之已而與  
義官益顯遇公益厚而終不以告也烏乎可謂淳篤厚之  
君子也元配宜人唐氏繼室宜人莊氏故徽猷閣待制贈少  
師徽之女子男四人曰棻曰芝曰蕃曰共棻右迪功郎秀  
州司戶參軍芝共並將仕郎蕃早卒男女十一人諸孤以  
其年十一月丙申葬公縣之西山原上棻等狀公曾出官  
壽與卒葬終始為書來乞銘余聞古之卿大夫治行勞烈  
宜有諱於後世則子孫為器以銘而國人為之諱某之先  
大夫與公父子游公又獨喜余文者每一篇則飭子弟錄  
藏之非某不能銘愧不能稱銘曰 嗚呼公之巧足以中  
人之眉弗卓鸞以為奇善刀而藏之智足以察淵之魚弗  
皦之以明汙韞櫝而藏諸知我者希有畜弗施奉吾身以  
歸維後人之詒

孫文卷第五十四

孫尚書大全文集卷第五十五

銘

章龍圖墓誌

建安章氏自郇公以文孝道德仁仁宗為宰相聲號顯猷  
族大以蕃異人輩出事五朝踵相躡為將相寵祿火光大  
為時聞宗而徙平江者尤稱於天下大丞相申公家州南  
而樞密秦公家州北兩第屹然輪象相望為一州之甲吳  
人號南北章以別之秦公生七子多知名公第三子諱  
綜字子正為北章氏通亮英敏有大志讀書不治章句  
屬文辭典麗有古風秦公任子次及公公推與其弟而  
來書言詎太孝受業食淡攻苦窮日夜不息然後挾所有  
從諸主校於有司而驟然出其上元祐二年卒進士中第  
一遂收其科孝者尊其文傳誦以為法調河南府洛陽縣

主簿時范忠宣公尹洛一見待以國士賓禮慰薦僚吏莫敢望於是故相韓公玉汝中書侍郎范公子功李公邦直皆以文行薦於朝當是時各聲藉二聞朝廷矣就除京兆府李教授秦公帥涇原奏充主管機宜文字用李者改宣德郎太上皇即位推恩遷奉議郎通判鎮戎軍秦公治兵號名將守邊四年城兩州築九砦生致兩大奠斥地數千里威名隱然戎虜出塞遠遁將吏極一時之選後多為顯人而莫府軍簿尺籍五符檄書請奏皆自公手出秦公薨太上皇臨其喪敕中貴人祿嘗為機宜者姓名以進兇喪召對上頷而喜曰各臣子是嘗佐其父者它日謀帥无以易卿也除秘書省校書郎居无何以為陝府西路轉運判官會五路漕臣分也除秘書總邊計而公適當秦公舊治手疏便宜十條鈞考財用為出入之要以茲偷罷不怠

矣以政和四年守本官致仕逾年病間即舍旁營一堂號美蔭聚書方卷几國子中秘所有皆具集古今石刻千卷手編秦公遺文四十卷奏議三十卷奏議者涇原山川要害行師制勝營陣出入之法公以類分卷每一事為序文識篇首可備乙覽而不果上有所感遇則為歌詩音節平緩无戚嗟留落不偶之歎八年落致仕以朝散郎知解州轉朝請郎朝奉大夫宣和二年避部使者去為均州三年提舉兩浙常平未至改提點刑獄遷朝散大夫方臘稱亂東南新蹂於其詔升越州為安撫進公直龍圖知越州兼管浙東安撫司公事公樂職著事所蒞有名迹東縛蕪吏重足而立愛養百姓則惟恐傷之解州神霄宮成蕪訪使者劉擇病其隘有改築之意公曰吾民不可以重困即撰日齋戒設壇場召官屬行事祠下會且徙入居之事訖驛

聞得意亦已房陵婦人越所部許其子於均公謝曰房非  
吾治也又許於轉運使轉運使以屬公公召詣庭下不以  
屬吏鑄論開曉母子感悔再拜稱謝而去秀州嘉興縣富  
人高安与陳氏有故怨問方臘之亂誣之為盜聚群惡操  
兵入其室尽殪之以捕盜徵賞平江長洲縣陸氏者括富  
橫閭里殺人應捕輒賊吏執平人代已公一閱盡得其情  
狀取二人者真諸法衆謹以為神明越新去乱人情危懼  
日三四驚旁郡守將往二益兵自衛公至則延問吏民宴  
集賓佐如平時於是勇敢卒謀為变公飭將吏捕取无一  
人脫者大府大震左丞王安中師燕山求文武士於莫下  
欲請公俱宰相以公方撫越人不聽五年中貴人譚植為  
宣撫使又請於上朝廷不能奪除公河東河北路宣撫使  
司參謀官磨勘轉朝請大夫加右文殿修撰賜三品服松

亭開成卒二千人号食糧軍四軍之变遂從奚人破景州  
植怒欲尽戮其孥公曰若尔則人不復思歸漢矣植悟而  
止時金人納夏卷之請割界拓跋故地雲中二千里遺之  
止以朔武二州歸我夏人駸二向朔州境上植次河東詔  
植發兵討除之公言兩國通行震臺包藏其深未可輕  
動第檄問金人可也而太上皇親筆督戰至八九不已公  
益持不可曰金人以我納叛渝盟藉為手段若奉詔出師  
誤傷金人邊隙一開則齟齬首用事者墳墓矣公困竭天  
下尺於燕山訖无善後之策况議雲中乎退而疏燕雲決  
不可守之狀反復数千言皆社稷安危之决趣植上之植  
讀奏大驚曰安得此不祥之言公曰擇禍莫若輕蓋以微  
罪行乎為植極論數日植不得已披取一二上之書奏植  
罷公落職送吏部更命宣撫使童貫出師遂敗績師再出

而燕山七郡与朝武皆不守知公言其年會恩上書告老  
復直龍圖閣致仕七年正月乙未以疾卒于家享年六十  
有四公少年負所學不繇勲闕以文章自奮一出試吏即  
為范忠宣公所器天子記姓名禁中以為可備將帥繼秦  
公後公亦慨然自任以當世之重而孤立一意衆媧不容  
將起輒什遂弃官老於家宣和末天下多故詔起公再任  
而大將爭欲引公自助屬時以安軍政大壞而貪功生事  
之人方欲徒手搏數百萬虎狼之衆以僥倖於一試公於  
是幡然投劾以歸卒亦无所就命矣夫諸孤以其年葬公  
於臨安縣橫溪塘頭塢之原公所自卜也曾祖頻故任尚  
書刑部郎中侍御史知雜事贈司徒祖訪故任禮賓副使  
贈太尉父柰故任資政殿學士通議大夫中太一宮使贈  
大師秦國公謚莊敏母秦國夫人和氏公再娶皆王氏文

康公之曾孫元配河南縣君今配太碩人四子男曰堯曰  
荷並右朝奉郎曰某右迪功郎添差監臨安府浙江稅務  
嫁晉陵孫觀孫男女十六人曰潭曰潛曰澣曰洵曰澹曰  
淖曰汧曰洋曰淖曰泖曰洞曰濠潭潛並右迪功郎汧將  
仕郎女適右宣義郎新秀州嘉興縣丞陳文蔚進士何顯  
祖妣者二人公性剛采曾中无留事与人交明白洞達樂  
為之斥一言之出終身可復視財如糞土赴人之急不以  
在正為解居官矯然見義勇為不計禍福必達其志乃  
已家无伎聲之奉未嘗一日去書不讀尤尊王氏孝著書  
三十卷醇深雅奧發明經術居多嗚呼公之女擇所從而  
歸觀纔四年而公沒矣又七年而公之女亦亡又八年而  
觀銘公之墓公之事可紀者衆多非措紳士大夫所共聞  
者皆不論著故所次止於如此銘曰韓二章宗維宋巨室



秦公有子千夫之特驥墮地走不可係羈筌雲追風一抔  
方蹄視天尺五可階而上發論慨然帝悅而嚮權門衆趨  
操篋倚旁矯二介居君子之剛踐艱乘危初終若一方價  
而振又以讒黜孰愠孰懟匪神孰尸謂當乘除以訖耄期  
命也不祥蓋棺求已魁名揚厲表三愈偉天定勝人德遠  
而興蔽芾如林視此曾孫

宋從事郎余君墓誌

余聞明試以敷功奏以言堯舜尚矣然以言取人雖孔子  
之聖而失於子我人心難知甚於知天聖人不得已而後  
以言求之拔十得五蓋庶幾焉非悠以可持以為不變之  
法也西漢之世取士非一途公卿之貴或起於刀筆可擢  
於行伍或拔於屬牧或用於夷虜其以文章言語策直  
如晁董公孫之流蓋亦幾人而已故武宣得人之感盛矣

莫及建炎之亂環四海為沸鼎當是時蒐卒果治兵賦繕  
濬城隍捕逐盜賊如救焚援溺之急而禹行舜趨之狀紛  
然出於其間往二迂闊可笑余君子野精捍有膽略遇事  
无劇易唾手立就可与共功名而卒以它選進遂絀於議  
而不用以死為可恨也君諱大向子野其字也姓余民撫  
州宜黃縣人曾祖智祖翊父固本三世為縣富姓至君始  
出而求仕宜和夫以迪功郎尉鈞之新昌縣令攝廢廢事  
州所下書尊以屬君二應之无留事靖康元年冬諸道分  
兵勤王守將檄君詣州九軍興所須資糧靡屨勞遣之屬  
皆倚君以辨軍行扶一馬率所部先歐人壯其誠兩遇恩  
循右從事郎紹興五年淮西宣撫大使司奏辟淮備差遣  
辟不赴十一年八月丁亥被疾卒于家明年其孤將仕郎  
駒十以四月庚寅葬於縣之待賢鄉龍江原上又屬左奉



議郎國子監主簿王其狀君官壽世次為書來請願有述也余紹興初南遷過臨川境上少留曹山佛舍邑之賢大夫不余藉驛不遠數百里過余相勞勉於羈寓流落之中子野其一也子野百邊余過其家堂戶清深占林壑之勝聚書千餘卷迎師教其子而寓公羈客滿坐上繫鮮置醴談論移日以為常无厭怠之色縣大夫時二詣舍咨問所疑里中闕訟不得其平君一言折衷人二意滿而玄問吏有所屬則具元冠抱牘趨而至唯恐後所舍一大聚落百賈所栖凡市井无賴屠酤狙僮兼并之豪唯二聽命不敢輒忤目拍氣使歛然響應殆古任俠劇孟季心之儔余寓宜黃時目睹其如此方時多虞盜賊半天下彼區二之空言已窮於无用而才堪治劇如子野亦卒无所就悲夫君娶張氏生五子男即駒也女嫁進士鄭宗樂從事郎監衛

都稅務劉彭老余在室余去宜黃時駒始九歲封異不群自成人之風後八年君沒里長者以書來悼君不幸又稱駒喜孝問自立可寄門戶者也銘曰 竟与湯浮超然遠遊飄由莫宙地載其魄拂龜端筮卜此玄宅龍江之涓逝者如斯其孰能追龍江之阻琢石其処以識君墓

孫尚書大全文集卷第五十六

銘

薌林銘

右朝請大夫祕閣修撰前兩浙轉運使向子諲博極群書尚友工載治室手植衆香環之而讀離騷經其中自號薌林居上建炎末崎嶇兵亂轉徙江海間年四十餘上書謝事裴回玉筍之下塗水之濱登高擇勝築室居焉執蘭丸畹秀芝三瑞千葩万卉羅生堂戶蓋直得所謂薌林者則忻然笑曰孫興公賦遂初韓吏部賦復志者皆謂此耶紹興五年詔起江東轉運使明年徙爲浙乃見奏事勞賜甚寵因從容自言終老薌林之意上嘉歎良久親書薌林二字大字賜之龍文龜書如絕一時群公在庭驚顧失色於乎盛哉未嘗有也子諲後上之賜移書屬孫某爲銘曰

肝膽一如薰猶殊臭鼻識妄聞六鑿交鬪蚬蛆甘帶蠅娘  
轉圓嗜茄脂鼠逐臭則然一國之香人所服媚君子好脩  
幼之為佩手援紫菀插芙蓉旗蕙肴蘭藉飲芳食菲芳菲  
蒲堂薦馨在德葵傾草靡偃風就日帝闈九閭孰播厥芬  
神交夢蘭甘餘猷芹扁榜我來從天上壁月珠星窺臨  
蕙帳天命不怡惟德之符車過必式于公之閭

耘業齋銘

臨川鄒氏世以儒學名家而次魏好書尤篤日孳焉專  
求其所好文章清麗有典則知其為人嘗治一齋叢書其  
間銘之曰耘業取韓吏部詩所謂勉焉耘其業以待歲晚  
收之意而以書抵故人孫某徵銘銘曰

我行其野原田膺蓬艾生之化為草莽牛山之美在物  
皆然若是濯々夫豈其天孰亂吾苗非其種者戒裂報予

因其所也我有尺宅聖王之田種德執善豈曰無言大折  
心予不能以寸神而明之與天地準異端由學非聖之書  
逃墨逃楊卒歸於儒苗之闢之歟華振實采米新苗有苑  
止特我倉既盈三百維困紅腐相因以發陳陳

清和堂銘 常川天慶觀

涇濁河渾跳沙伏爍併而視之味昧不覲吾知其中至清  
者出陽驕陰冷火旱水燬鑠石流金折膠墮指吾知其中  
至和者委云何鑽木出火自燔瑩燭不救燒空燎原苦海  
弥天五濁流浪孰能離始不入諸妄不磷不淄匪通匪介  
大千一如無有離凜光塵相合涇渭自分茲謂清和衆妙  
之門

碩人孫氏墓銘

碩人孫氏世家袁州之分宜縣故朝散大夫贈太中大夫

何公諱執禮之妻今右朝散郎昌辰之母年七十一以宣和六年六月壬戌遇疾卒于昌辰永州之官舍葬後十一年實紹興六年四月庚申昌辰改用今上舉大中碩人之柩合葬於新塗縣場各鄉雙秀里蓋東之原又二年朝奉之從子左承議郎通判婺州許狀碩人之族姓州里封号卒葬年月日屬晉陵孫某為銘刻之墓上惟何氏鼻祖有奇相碩見兩耳始家于新塗州上更四世而生太中其族浸大矣有諱正昌言者以政事文學稱天下入侍天子出備將帥魁然為一時搢紳之望甲第數十區丹漆相照大車駟馬充塞里閭碩人年二十一歸太中言笑不聞墻屏居不出堂戶事尊卑友姊姪以相其家而畜其婦子上奉下御逾五十年閨門欣然無怨各一辭以至沒齒無老幼或疏來吊哭者咸盡哀其南迂道清江館于何氏於是

碩人之沒已久而內外屬人由追頌不去口可謂賢也其男曰昌期右承務郎通判南安軍事次即昌辰也次曰昌遇女適右丞直郎撫州軍事推官陳大輔孫男女七人曰訢曰詳曰德裕曰義榮女適將仕郎謝知幾右迪功郎南雄州保昌縣尉劉堯民進士李謨曾玄孫男女六人碩人以太中繇仁和縣君三封至直人昌辰即登朝矣昌期嘗為大理評事亦得追榮其父母以紹興元年宗祀恩進號令人七年再命乃錫今封之初太中以伉直數忤權貴故官不達碩人生三子而昌期昌遇皆已下世獨昌辰無恙亦廉直有父風勇於為義屢躋於謫而不詘公鄉更歎譽之以為後當以功名顯碩人之報庶幾在此銘曰

何宗國巨室也婉二碩人家万碩也雙劍偕逝反之亡也有二著名金蘭籍也隱卒從終命三錫乙之塗檢

煥五色也藍罔之松手所植也琢石墓旁車過載也

挽詞

信安郡夫人挽歌詞

蟬聯女公子湯沐郡夫人籍著金閨密綸哀哀字新千葩  
朝闈苑雙缺化平津唧唧中專夜空梁落暗塵  
夫擁侍月臺兒重刺史軺潤蘋共采采風棘盛天大尚想  
萊班戲空留楚挽招魁頭引丹旌千古悶山椒

唐子明侍郎挽詞

有言屢伏青蒲上直筆猶存白簡中但見刻墓救月蝕孰  
知鍊石補天空中鳴尚闕床頭蟻虵影猶懸屋底弓一代  
風流今頃及佳城白日掛孫公

張全真大資挽詞

大筆文章于飛揚獨妙年判花森三晉視草對金蓮

聯重席官床卧八埒他年紬石室妙絕冠遺編

禮絕迂三顧恩榮閱九遷秉釣平似砥履坦直如弦晉室  
和我日周家定鼎年金甌方卜相騰馭已超然

大閭冠州閭占星太史書方蹠金騷裏一角工蟾蜍石輔  
開新府東堂舊直廬淒涼便陳迹彷彿夢華胥

輦路追高躡聯翩接兩翺酒蟠倚天劍尚艤濟川舟元帥  
俄分閩羈臣亦首丘一杯相屬地回首涕交流

張提刑挽詞

荷鍾酬身後騎箕返帝旁風纏御月暈雲掩使星光炯炯  
三珠在冥冥一鑑亡故交今白髮掩袂涕淋浪  
撫事空心折懷新尚自存壽康駢五福德爵擅三尊蠹落  
芒籤冷珠懸畫戟身像圖窺彷彿謾記刻舟痕

鄭大資母太夫人挽詞

達夫郡王之配王岐公之女



翁婿相望插兩貂夫人東第閱三朝百年鍾鼎連雙壁一  
代衣冠繼八蕭盡室全生還帝所先王遺烈在天驕家傳  
故有緇衣在且看司徒首百寮  
舊德遺忠在禁庭天教華髮看升平兩朝偃革從今日百  
口同袍共此生喜見金葩開大國悲傳玉樹鑲佳城魁頭  
曉出西郊路獵獵秋風載一班

致政朝奉挽詞

出岫孤雲自卷舒平生心事付樵漁便拍手板還丞相獨  
把鷓夷載後車掃軌更無雲外轍傳家尚有枕中書百年  
大夢行當覺日月渾將一醉除  
床頭蟻鬪兩牛鳴起起誰呼寢夢驚不用沉文招九死曾  
因扣角悟三生取甕卧看偷兒入折券羞同賈豎爭天定  
勝人端可必坐看驥子籟雲行

沈彥仁挽章

門大連三虎途窮曳九牛一官投紱去万事蓋棺休寂寂  
蘭亭月寒夢蕙帳秋羊露他日淚慟哭過西州  
小隱疏三徑浮榮寓一漚歲陰駒隙過文采豹皮留不踏  
邛邛道聊追汗漫遊菟裘應好在千載寄風流

范郎中挽詞

星輅出帝纏光射斗牛邊納陛傾三接埋輪聳十連那知  
憂鵬日已復夢雞年尚逐班衣戲俄然白布纏倚廬心破  
碎掩袂涕潸潸更有門前客愁吟淚滿牋

白布纏根樹梳流  
出晉顧凱之傳

惠彥達挽詞

鳩杖尊三壽龜床閱九齡名留高士傳光掩少微星杞下  
無遺闕江邊有獨醒潭潭餘慶在鸞鵠滿家庭  
逐客生還後仙翁耄及時長鳴風雨夜耐老歲寒枝坐閱

炎涼改寧隨燥濕移隻鷄澆斗酒敢忘故人時

光祿童公挽詞

舊學江都相遺忘太史家絳維今寂寞青簡尚光華謏奏  
三千牘猶傳四十車諸生半齊魯東望涕橫斜  
帳殿旌旗卷轅門鼓角悲江邊五馬渡天上六龍飛感憤  
冠衝髮追攀肘見衣興元越難日零落寸心遲

董夫人挽詞

象服夫人貴荆釵烈女風生兒直孟母擇對得梁鴻書費  
囊衣盡杯行澗藻豐龍池飛霹靂雙劍已騰空

孫尚書大全文集卷第五十六

孫尚書大全文集卷第五十七

挽詞

令人李氏挽詞

閨苑收花去無心對紫微寥寥鶴夜怨角角銜朝飛石窠  
名猶在邨郭夢已非郎君真驥子玉立煥朝衣

張希元挽詞

秀髮豪眉覆兩顙身強九尺地行仙楚人尚記庚寅日晉  
容傳疑甲子年批鳳壘書光洗眼刻鳩靈杖穩隨身廿八  
欲記吾公壽滕上郎官雪滿顛  
門外懸頭引葦簫寒窗黃帳北山椒槐柯一夢驚三世真  
殿千齡數七朝此夜星旗上南極他年跨鶴上東遼摩娑  
綢袂長安道試問飛車儻可招

四川安撫發樞胡公挽詞

幕府分弓日，轅門叱馭時。捫星高歷井，修月上騎箕。整面  
降胡泣，聞鼙聖主思。龍驤老賓客，竟賦八哀詩。  
文親二紀餘，貧病故人踈。落落參辰辰，似寒雲。越越如空勞，  
三夜夢不辨。一行書尚記，喬公約垂漢。滿過車。

天台守端明胡公挽詞

民茂

天上文章省，人中翰墨先。尚書心似水，李士筆如椽。視草  
金蓮夜，哦詩錦瑟年。玉樓方斷手，又着紫雲鞭。  
遮門皓首啼，行路涕交揮。不見班衣好，空隨畫翥歸。蘭芽  
方獨秀，華萼尚文揮。試待遼東鶴，千年有令威。  
貧病見交情，那勤問死生。倒衣迎五馬，空巷看雙旌。聚泛  
杯中月，分班地上荆。悲吟追往事，感咽氣崢嶸。

致政左司直閣王公挽詞

書基

東海懷踈傳，西州憶謝公。矧飛纏夜斗，桂折卧秋風。塵暗

雲豈冷香疑粉署，空澗澗千斛淚。忍看一旌紅。

解組天門上，揮金里舍旁。漸欣雙髀滿，仍見一瞳方。舊夜  
山中相，今為地下郎。流芳知有在，鸞鶴正高翔。

憶昨聯飛蓋，初筵點後塵。那知吹未熟，已上迹。但陳契闊  
成千古悲吟，代百身重臨。更愁絕感塞鼻中辛。

致政中大宋公挽詞

握節來金馬，飛芻上木牛。能令天粟雨，故作地錢流。望寶  
傾三館，賢勞閱百州。家千古恨，零落掩山丘。  
蕭蕭散鳥藤，杖風流白接籬。分茵前席滿，載酒後車隨。食鼎  
羅千指，歌鍾擁十眉。淒涼今夜月，空照習家池。  
老脫尚方馬，門懸刺史車。真成棄竹馬，直欲換金魚。感壽  
千頭橘，生涯力卷書。流芳知未艾，蘭玉滿庭除。

吳公宜人楊氏挽詞

零落素砧非猶殘泪滿衣三刀悲獨往雙劍歎同歸地占  
眠牛卜門迎客鶴飛哀哉埋玉樹千古閟泉扉  
種玉繞家庭聲名重十城哀吟遊子線愁絕小人羹贈印  
連三組書銘載一旌誰為千字誄髮髻記平生

黃州使君朝議惠公挽詞

墨榜書名萬口傳着鞭爭看祖生先一揮禮樂三千字獨  
擅文章二百年晚得朱輪驚老矣生存華屋尚依然故交  
掩袂追疇昔一劍空留宰樹邊

致政中大胡公挽詞

釣石駸々上綠苔起禪長鍊詠歸哉此翁矍鑠丹心在老  
子婆娑兩鬢催一夜劔津龍化去千年遼海鶴歸來忽々  
鼓吹城南路往和松風万壑哀

哀詞

楊公大夫哀詞

左朝散大夫主管江州太平觀晉陵楊公以紹興五年六  
月壬戌遇疾卒于嵎縣之寓舍家貧喪不能歸諸孤以遺  
令葬於縣之請化鄉福泉山之原上某為兒童時嘗從公  
授章句公妻宜人文某之諸姑也念無以致其哀者乃哭  
之以詞公諱植字彥安中元祐九年進士第慷慨有大節  
素貧賤晏如也左丞蔡卞貴震一時欲以女妻公公辭不  
就故相蘇公讀公文而歎曰非近世之時文也以館職薦  
於朝雖不果用而名號隱然為東南之望矣太上皇即位  
詔中外實封言事公慨然上書請解元祐黨錮以崇寬大  
之恩反覆開說有人所難言者久之有司第其書入邪等  
坐是斥不用留落州縣三十年建炎初政稍追錄舊人之  
在籍者而公已老矣生三男子曰炬曰煇曰燁皆屬仕籍



能力卒世其業炬率紹興二年進士第中之煒尤長於文  
辭追述公平生大節以俟當世能文章各卿大夫功德識  
其墓詞曰有美一人兮兒豳豆頤而頎頎佩芝蘭而服明兮  
冠切雲之巍巍吞雲夢之八九兮吐千丈之虹蜺橫四海  
而高逝兮背一世而獨馳繫受才之雄警兮挺巨木之百  
圍方牛回首而莫致兮森溜雨之蒼皮差黨論之方興兮  
十夫聚而撓推哀古人之離患兮紛白首之纍纍一紆中心  
之憤排兮排帝閭之九扉嘉言一發而逢怒兮亦坐鉤黨  
而錮之孤雄束味而不鳴兮蚶薨又而聚醢九牢弃而不  
御兮蓋蚩喙而療饑悟驚俗而來患兮終老乎枳棘之卑  
栖剡山之叢又兮剡之水清且漣漪藜杖葛屨往來其間  
兮挾簞瓢而帶鋤犁遂奄忽而不返兮飛上天而騎箕風  
厲又而造哀兮宿草變而春菲山川鬱其如故兮淚疾下

而淋衣遣巫陽使下招兮魂之來兮是非度中流之兩旗  
兮猶想像於庶幾嗚呼哀哉

山遊山九日歎逝

傷心玉案兩眉齊永負黃花九日期  
万里炎州嗟我老百  
年清淚向君垂  
俱飛蛺蝶愁看汝  
醉把茱萸欲對誰  
獨立  
西風搔短髮  
一生遺恨一秋悲  
割肉早歸三伏日  
傳柑賜飲上元燈  
那知一慟殊方去  
獨  
向高臺此日登  
淚濕西風生眼纈  
夢回殘夜起衣稜  
孤鷺  
別鶻知何處  
泉路茫茫喚不應

祭文

包氏妹出嬪祭文

嗚呼哀哉某政和初與吳氏妹侍先妣太淑人將吾妹歸  
于同縣之包氏大家券衣冠者數十百指而夫君環然獨



秀蔚為宗唐瑚璉之器後四十年而吳氏病沒於京師  
四年而太淑人感疾而逝中更喪亂死生契闊而包氏  
章亦已下世獨吾妹克相其夫兮男冠女婚持門戶之寄  
謂當壽考百年與君子偕老兮去旬一病而遽蛻鳴呼哀  
哉追數存沒兮閱一瞬於三紀嗟余歸然獨存兮隻影隨  
而仆起始結縭以餞其行兮又窆墓而送之死鬱鬱以  
中集兮溢兩皆其如洗手足情所鍾兮此身沒而後已塊  
塋佛以來歸兮歆余飭豆之薄祭伏惟尚享

焚黃祭考妣文

某蚤承先訓束髮授書兩踐詞科濫升冊府四備省臺之  
列五塵儒學之官浸冒朝榮遂登詞禁躋延華閣出守便  
藩惟聖主推曠蕩之恩追本教忠之自而人子致哀榮之  
極肆疏飾壤之封超躡崇階進都巖號先考承事九七街

而至朝議先妣大孺更三四而至令人玳首鸞素朱衣象  
版不顯三朝之命光賁九泉之幽

祭前室吳氏文

恭惟伉儷之好實同貧賤之交天不假年死生契闊追慟  
九原之備貪榮一紀之餘託備藩維追參法從爰卒終衣  
典實資身內助之賢象軸錦褰光賁泉壤英魂如在歆此寵  
靈  
嗚呼吾兄之沒十有四年中罹多故共禍連避盜徂遷靡  
有定所炎海之陬又以謫去生還万里歸視殯宮以不克  
葬有愧在中荆溪之陽牛山之阻卜去其吉安以即路護  
外有諱覽中為堂既固既安万世之藏

祭吳淑人

嗚呼胡騎南牧乘輿東遷群盜如毛弥滿四海命也不淑

夏此百罹孤塊惇又二紀在殯心顏兩媿若負刺大懼  
餘生齋恨以沒順山之趾玉泉之旁載訊載占卜此玄宅  
脩嚴葬禮筆啟啟塗推擇吉辰登進舟御神靈如在不震  
不驚船開艣鳴信宿而至躬陳薄奠以薦一哀終天之訣  
有淚如洗

祭章沛人

嗚呼伉儷十年如屈伸頃夜壑舟移逝無留騁中川鼎沸  
共此百罹又於其間有合有離垂老投荒一訣首路万里  
計聞奄至大故葉葬空山來視定封但身宿草動搖春風  
逢時不祥抱恨入地何辜于神而至於此王潭之原櫛目又  
佳城陬龜視曰我以撮迎湖波不揚若有神護抱襪呱呱  
兒啼孺慕嗚呼已矣閱此新宮敬酬一醕涕淚沾胃

祭郵次魏文

維年月日晉陵孫某謹以清酌庶羞之奠致祭于亡友郵  
君次魏之靈嗚呼嗟我蠢愚妻屬罪罟白首龍鍾投異南  
土交親解散磨走狼顧如避垢污掉臂而去病卧空山一  
室環堵爭席滿前誓夫尔汝之子英妙之中之虎携書街  
袖過余逆旅議論蠶出稽經引古西階東序九鼎十鼓韓  
墨之場群猷侯侯引脰一鳴千鈞射鼠我老婦耕十窶寒  
暑相望一涯二江之阻襍被囊書獨行瑀又惠然顧我漢  
陰之圃倒衣迎門喜抃欲舞促昧晤言殺雞炊黍訣別幾  
何俛仰再撫千里計聞方食失箸豈其夢耶而遽如許老  
人無徒吾執與甄子有齋室圖書之研製各耘業義取韓  
愈書采徵銘藥石之補遺墨爛然尚祕箱笥文成欲致未  
及子睹捲卷驚呼若淚如雨子今在殯寧聞我語庶幾  
勿余

墓嗚呼哀哉尚子

維年月日謹以清酌庶幾羞致祭于亡女二娘之靈  
哀哉與汝為父子三十有一年不謂衰老棄我而先  
何辜不畀汝壽一夕遇疾奄忽不救繫汝疾革害於語言  
託天與子半辭莫宣天降災殄莫謂汝酷人誰不死抱恨  
就木汝夫館我迨十年餘羹藜飯糗共其有无豈謂汝立  
而有薄厚庶幾久要定此窮陋二雛呱呱誰撫誰憐如見  
汝面在吾目前婦女教男莫成汝志吾雖老矣猶有兄弟  
獨念汝夫強仕之秋誰復為汝瞻守一丘先墓之次卜此  
新宮徂弥相望我祭其從季冬之月吉日庚午汝其頽歆  
以封以樹念念汝永歸五內若焚捐心慟絕汝間不聞焉  
呼哀哉尚享

孫尚書日大全文集卷第五十七



孫尚書大全集五十七卷見于趙希弁讀書志附志而鴻  
慶集四十二卷書錄解題云然則是集在宋時已有兩  
本矣惟王文恪家藏鈔本後經葉右君校補者為七十  
卷未知增益出于何時去年得一舊鈔本即從王葉兩  
家藏本錄出而闕其十九卷已前爰訪諸  
香嚴周丈原本恰在其家并借示此京刻殘本余  
喜獲雙璧并攜歸一補鈔一影寫而歸之竊思此  
種斷簡殘編他人視為不甚愛惜者余以為倍加珍  
秘不謂香嚴之先得我心而與余有同好也因於  
還書之日而誌教語于後嘉慶甲子六月八日黃丕烈識